



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-11-4-6990-2
Sarajevo, 25.01.2023. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14. i 70. Zakona o javnim nabavkama („Službeni glasnik Bosne i Hercegovine”, broj 39/14, 59/22) i preporuke Komisije za javne nabavke Ministarstva unutrašnjih poslova Kantona Sarajevo za 2022. godinu, imenovane Rješenjem broj 05-1-11-4-519 od 01.02.2022. godine, u postupku javne nabavke usluga servisiranja klima uređaja i rashladnih mašina za potrebe Ministarstva unutrašnjih poslova Kantona Sarajevo, ministar **d o n o s i**:

O D L U K U

o poništenju postupka nabavke usluga servisiranja klima uređaja i rashladnih mašina za potrebe Ministarstva unutrašnjih poslova Kantona Sarajevo

I

Na osnovu Odluke broj 01-11-4-6990 od 07.12.2022. godine i Obavještenja o nabavci broj 1364-1-2-92-3-66/22 od 08.12.2022. godine, proveden je otvoreni postupak sa namjerom zaključivanja okvirnog sporazuma na dvije godine s jednim ponuđačem za nabavku usluga servisiranja klima uređaja i rashladnih mašina za potrebe Ministarstva unutrašnjih poslova Kantona Sarajevo

Komisija je shodno Zakonu o javnim nabavkama, a u skladu sa članom 69. stav (2) tačka e), dala preporuku da se poništi postupak za nabavku usluga servisiranja klima uređaja i rashladnih mašina za potrebe Ministarstva unutrašnjih poslova Kantona Sarajevo

II

Ova odluka stupa na snagu danom donošenja.

O b r a z l o ž e n j e

Na osnovu Odluke o pokretanju postupka nabavke broj 01-11-4-6990 od 07.12.2022. godine i Obavještenja o nabavci broj 1364-1-2-92-3-66/22 od 08.12.2022. godine na portalu Agencije za javne nabavke objavljen je postupak nabavke usluga servisiranja klima uređaja i rashladnih mašina za potrebe Ministarstva unutrašnjih poslova Kantona Sarajevo (sukcesivna nabavka), putem otvorenog postupka. Za predmetni postupak predviđeno je zaključivanje okvirnog sporazuma na dvije godine s jednim ponuđačem.



U skladu sa gore navedenim Obavještenjem o nabavci, Komisija za javne nabavke Ministarstva je izvršila otvaranje prispjelih ponuda, dana 26.12.2022. godine, sa početkom u 15:30 sati, te izvršila i pregled i ocjenu prispjelih ponuda.

Zapisnik o otvaranju ponuda je dostavljen ponuđaču.

Tendersku dokumentaciju preuzelo je četrnaest ponuđača. U postupku nabavke nije postavljeno niti jedno pitanje. Pristigla je jedna ponuda, i to ponuda ponuđača "Inter-Com" d.o.o. Zenica.

Ponuda je blagovremena jer je prema Obavještenju o nabavci krajnji rok za dostavu ponuda bio 26.12.2022. godine do 15:00 sati, a ponuda je prispjela 26.12.2022. godine u 10:14 sati.

Dostavljena ponuda ima sljedeću vrijednost:

PONUĐAČ	Iznos Ponude bez PDV-a (KM)	Popust (KM)	Iznos ponude bez PDV-a (KM) sa popustom
„INTER-COM“ d.o.o. ZENICA	158.235,00	0,00	158.235,00

Shodno utvrđenom činjeničnom stanju, a u skladu sa čl. 69. stav (2) tačka e) i 70. Zakona o javnim nabavkama („Sl. glasnik BiH“ broj 39/14 i 59/22), Komisija jednoglasno daje preporuku ministru MUP-a KS da poništi postupak nabavke usluga servisiranja klima uređaja i rashladnih mašina za potrebe Ministarstva unutrašnjih poslova Kantona Sarajevo jer je cijena prihvatljive ponude znatno veća od osiguranih sredstava za predmetnu nabavku.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama.



DOSTAVITI:

1. Ponuđačima,
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba